


1774




A N U T I L I A
IN GRAVIDITATE,
 PARTU, ET POST PARTUM
 B A L N E A?
 T H E S E S
 ANATOMICO-CHIRURGICÆ,

*QUAS, Deo juvante, & præfide M. Petro-Mathurino BOTENTUIT
 LANGLOIS, Artium liberalium & Chirurgiæ Magistro, in suprema
 Senatûs Curia Patrono, necnon Scholarum Chirurgiæ practicarum
 Professore, tueri conabitur Theobaldus-Stephanus LAUVERJAT, è
 Vastinio Aureliano, Diœceseos Senonensis, preclaræ Artium Facultatis
 Magister in alma Universitate Parisiensi, necnon Antiquus Legionis
 Lemovicensis Chirurgus primarius, Theseos Auâtor.*

P A R I S I I S,
 IN REGIIS CHIRURGORUM SCHOLIS,

*Die Sabbati 11^a mensis Junii, Anno salutis 1774,
 à sesqui-secundâ post meridiem ad septimam.*

PRO ACTU PUBLICO
 ET MAGISTERII LAUREÆ



Typis MICHAELIS LAMBERT, Regii Chirurgiæ Collegii
 Typographi, viâ Cithareâ.

M. DCC. LXXIV.

DD. MARCO-ANTONIO C*.

Equiti, Regi à Consiliis, uni ex Ærarii Præfectis,
in aeternum grati animi monumentum.

*T*uus ergà me singularis amor, Vir Illustrissime,
necnon amice; tua mihi feliciter consulens benevolentia,
ac præsertim tuæ animi dotes eximiæ, jamdudum me-
morem me gratum suscitabant, ut ea omnia à naturâ
sponte ingenita laudibus extollendi & prædicandi

avidus ac libens occasionem arriperem : tua vero modestia pertinaciter vetabat nefas, & altiori obruere silentio virtutes imperabat ; quarum tamen admirator & amator assiduus, cum infrà me habeam causas ambitionis, quæ ducerent ad obsequium, quod denegare in animo semper habuisti, hanc solummodò Thesim, te annuente, aut potius meis precibus indulgente, non nomini, non splendoribus, quos geris titulis, sed tibi tuoque potissimum candori, morum tuorum mansuetudini, tuo Literarum & imprimis felicitati publicæ inservientium scientiarum amori, ipsi demùm reformidanti modestiæ munusculum hoc, tam jucunda quæ sublevare amas, laborum meorum præmia, dicare & consecrare ausus sum.

TH.-STEPH. LAUVERJAT.



D. O. M.
THESES
ANATOMICO-CHIRURGICÆ.

I.

MULIER juncta viro, liberos vulgè procreat. Quomodo autem fit conceptio? Hæc quæstio, etiamsi ingeniosa de hâc re commenta finxerint auctores celeberrimi, crassiori adhuc involvitur caligine. Omisiss itaque veterum atque recentiorum circa conceptionem (1) figmentis; fœtum ex utriusque sexûs seminis misturâ oriundum censemus. Cæterùm veneris æstu perciti mas & fœmina copulantur; indè graviditas & partus de quibus nemini dubitare licet.

Graviditas legitima, ea est quâ punctum primâ originè mucilaginosum, seu germen fœtale in propriâ uteri cavitate, vivens existit (2).

De Concep-
tione.

De graviditate.

(1) Generationis nomine, conceptionem omnes impropriè nuncupant auctores.

(2) Aliter ab auctoribus definitur; sed effectum (abdominis scilicet & uteri intumesceniam) tanquam causam nobis assignant. V. Doct. Mauriceau, p. 161. Editio Latinè edita. V. celeb. Levret, p. 50, l'Art des Accouch. & omnes fœrmè auctores.

Primis graviditatis instantibus, quædam in utero remanet vacuitas (1); brevi à contento repletur (2), ex omni parte tanguntur ipsius parietes, quorum fibræ perfectâ quiete gaudebant, ut se habent omnes elastica partes à causâ extraneâ non distentæ.

Uteri evolutionis.

Difficultas evolutionis.

Evolutionis defectus.

Ex uterinæ evolutionis defectu, fœtus perniciæ.

Germen fœtale, ejusque secundinæ sensim ac sine sensu adaugentur; quod fieri non potest quin in uteri parietes agant, ut à se invicem recedant; sed plûs minûsve resistunt; à fœtu tamen, seu potentiâ increscente, sæpè sapiùs vincitur eorum resistentia, & quò magis crescit germen seu fœtus, eò magis evolvitur, & uterus, & ipsius collum. Quibus positis, ad legitimum usquè gradum pervenit graviditas; sed potentiam quandòque superat resistentia, & tunc quocumque graviditatis decursu, in matrem & fœtum innumera ingruunt mala; à solo enim uteri evolutionis defectu, trucidari potest, & sapiùs trucidatur fœtus; nec nisi post interitum, elapsis quidem aliquot diebus, aliquot annis, quandòque expellitur (3). Quam opinionem omnes rejiciunt auctores; illud enim inter ipsos convenit, quando uterus qui fœtum continet, ulterioris extensionis impotens fit, ipsius fibras irritari, confestim ad contractionem incitari, & exindè fœtus vivi partum fieri præmaturum (4), si extinctus; huic causæ mortem nullo modo tribuunt. Ille error à causâ parturitionis primariâ ab illis ignotâ, oritur.

Uteri rupti causa.

Si fortè non interficitur embrio, in corporis & fundi fibras evolutas increscens agit, illasque extendit eò usquè dum rumpentur. Ea est, aut esse potest occulta sapiùs rupti uteri causa.

Prægnantis accidentia.

ACCIDENTIA quibus plerumque conficitur prægnans, importuni sunt in utero dolores; indè cibi boni moris fastidia, ingrati appetentia, nausea, necnon vomitus; dolent renes, mammæ, femora &

(1) Excepto tamen conceptionis instanti.

(2) V. Doct. Mauriceau, p. 72. Deventerum, p. 37. celeb. Levret, l'Art des Accouch. p. 58.

(3) Observations habemus in graviditatibus, Senonensis, 1582. Tolosana, 1620. Leinzél in Suaviâ, 1720.

(4) Præmaturus partus ab omnibus abortio immeritò dicitur. V. Aphor. de Chirurg. d'Herm. Boerr. par Van-Swieten, p. 245, Tom, 7, &c.

crura. Ingentes evadunt prædicti dolores, diris & horrendis sæpè convulsionibus exagitur mulier, apoplexiâ quandoque opprimitur (1), sæpius tamen à fœtûs morte; quæ prolata patiebatur symptomata, fit tranquilla, & ad nonum diem, ad sextam aliquandò, sed perrarò, hebdomadam, hæc quies prorogatur: eo tempore nondùm elapso, vel albi, vel rubescentes, vel rubri denique è sinu materno dimanant liquores: peracto tandem minimos dolores experitur prægnans, augetur fluxus; graviores suscitantur dolores; ingens fit hæmorrhagia, & sic vicissim usque dùm omnibus orificiis interni, colli, necnon oris externi parietibus à cruore sat laxatis, facilem fœtûs egressui viam præstent; indè fœtum præmaturum, sed exanimatum victor tandem expellit uterus (2).

Ex accidentium summâ signa deducuntur.

Si fœtûs egressui acriter obstant parietes, horrendum rapidumque sanguinis vulvâ ruit profluvium: debilitatur prægnans; pallescit ipsius facies, pallescit & totum corpus, quibus succedunt aurium tinnitus, horripilationes, motus convulsivi, animi deliquium, improvisâ tandem morte extremam exhalat vocem mulier (3); si fortè mors non advolet (4), innumeris saltem in posterum morbis affligitur (5); invalidam degit ætatem; cachexiâ, hydrope sæpè laborat (6); languentem, tædiosam sæpius animam trahit, & demittit.

Sed undè tanta malorum in utero sano copia, nisi à nimîâ fibrarum validitate, rigescentiâ collique evolvendi resistentiâ, ex quâ evolutionis uterinæ difficultas & defectus.

(1) Quod vidi, testor.

(2) Non nisi fluxûs cujusmodicumque absentix causâ, fœtum in materno carcere per plures annos fuisse retentum asserere nullo modo dubitamus.

(3) V. Aphor. de Boerr. par Van-Swieten, 1303. p. 121, 122, & seq. Tom. 7. celeb. Levret, p. 282, Art. 12. Obs. 42. D. Smellie, Tom. II. p. 259.

(4) Sunt obstetricantes qui raræ mortis causâ omnia naturæ confidunt; erronea est illa methodus.

(5) V. celeb. Levret, p. 191, 192. Essai sur l'abus, Aphor. de Boerr. par Van-Swieten, p. 130, 131, Tom. VII.

(6) V. Aphor. de Boerr. par Van-Swieten, p. 130. Tom. VII. Plures ego novi quæ hæmorrhagiæ in casu prædicto causâ, pluribus mensibus lecto incubuerant.

Ex prædicta causâ foetus mortem denegant omnes; ad illam debellandam, viam tutiorem abnuentes, in remediis incertis, & quidem noxiis, matris & foetus spem salutis omnem sæpius reponunt.

Uterinæ evolutionis defectus ab abortibus curatio.

Alii enim, ut foetus abortioni præcaveant (1), perfectam, & absolutam tantum quietem suadent. Hi diluentibus, refrigerantibus, necnon in menses iteratæ sanguinis missionis fiduciam habentes (2); multi pro variis rerum circumstantiis, incertam, falsam sæpius suspicantes causam, dubia frequentius proponunt remedia; nonnulli fumigantia, fomenta, linimenta, unctuosa, oleum calidum, &c. indicant (3). Alii tandem & ultimi omni spe orbiati, feliciorum graviditatem eventumque stupenda inertia spectare videntur.

Evolvendi uteri facilitatis causâ balneorum utilitas.

Omnes remedium salutiferum magis & certum omiserunt. Enimverò quid imprimis agendum? Ut scilicet uteri fibræ ipsiusque collum relaxentur. Sed quodnam ad id, præstantius auxilium? Balneum prorsus, aut semibalneum. Quoties enim solo illo remedio, frustra aliis antea adhibitis, labefactantis graviditatis periculum imminens amovimus, & ad finem usque, aut circiter adduximus? (4)

Prægnantes itaque vitio uteri jam dicto, accidentibusque prælibatis obnoxie, in balneum nullâ morâ demittentur (5); à balneo enim resis-

(1) Abortionis nomine, partum præmaturum immeritò intelligunt omnes; nos verò foetus in utero perniciem volumus; auctorum tamen expressionem, ad intelligentiæ facilitatem, hic servamus.

(2) V. Lamotte, Tom. I. p. 538. & suiv. refrigerantia potius nocent quàm inserviunt. Frequentior sanguinis missio, foetum sæpius interimit; aut præmaturum partum suscitât.

(3) V. Hypp. de morbis mulier. Lib. I. Cap. XXXIII. Charter. Tom. VII. p. 749. Aphor. de Boerr. par Van-Swieten, 1313, p. 248. Tom. VII.

(4) Cùm mulier quæ incipiente sexto mense, foetus extinctos quinquies pepererat, rursùm concepisset; ad virandam foetus perniciem, & tempore solito tuendam graviditatem; 38°. balnea, meo consilio, adhibuit. Hoc solo remedio, ad octavum usque, & semimensem evolvitur uterus, foetusque vivens expellitur.

(5) Dummodò scilicet absit hæmorrhagia; balnei enim munus adimplet.

tentes

tentes ad arbitrium relaxatæ partes (1), fœtui incrementi facillimè obtemperant.

Quod de uterinæ evolutionis defectu, à fibrarum rigescentiâ, collique resistentiâ oriundo, (utero scilicet sano) de ipso morboſo carcinode, v. g. calloſo, &c. à fortiori dicendum eſt. In aquis tunc, ut ita loquar, ætatem agat mulier (2); ſeniores, junioresque quàmſapiffimè immergantur. Quo felici, & ad normam ſapientiæ ſancito remedio præmaturum fieri partum nemo profiteri audeat. Id enim nunquam infelicitè nobis ſucceſſit; fauſtam è contrâ graviditatem, proſperum tempore ſolito partum, fortunata denique puerperia ſemper prænuntiat, ipſiusque incòmoda removet, ac proindè remedium illud in caſu prædicto nunquam ſat propalari poteſt (3).

I V.

Partus ea eſt functio quâ ex uteri cavitare, quoquo graviditatis termino, quolibet ſitu, quaquâ viâ, quocumque niſu, in lucem editur fœtus.

De Partu

Vel ſolis uteri, vel obſtetricantis, vel utriusque tandem collectis aut ſejunctis viribus partus abſolvitur.

Synopſis Partus.

Si tantummodò ſit uteri impetu, expellitur; ſi ſolo obſtetricantis conatu, extrahitur; ſi utriusque conjunctis aut ſeparatis viribus; expellitur partim, partim extrahitur fœtus.

Quibus præmiſſis, partus dividatur neceſſe eſt: tres ideò ratione virium habitâ ſtatuendæ veniunt partus ſpeciès.

Prima comprehendit partus qui *expulſione*; ſecunda, qui *extractione*; tertia, qui partim *expulſione* partim *extractione* peraguntur. Hi *mixti*, ſeu *combinati* à nobis vocitantur.

(1) Ut omnes relaxentur uteri fibræ, in ſanandis graviditatibus ut ait auctor, *ſiſſis*, balneum ſuadet celeb. Levret, l'Art des Accouch. p. 201. Aphor. 1096.

(2) Quò recentior eſt graviditas, eò minùs timendum; proveſtâ verò, balneo prudenter utatur ægra.

(3) Balneum ad morbos mulieris gravidæ curandos, minimè verò ad evolutionem uteri ſuppeditandam ſuadet celeb. Levret, V. Eſſai ſur.... p. 66.

In *faciles*, *difficiles*, *simplices*, *compositos*, & *complicatos*. omnes subdividuntur. (1)

Facilis dicitur primæ speciei partus qui intra 24 horarum spatium absque diris doloribus perficitur. Sin aliter, *difficilis* abit.

Simplex, si ex uteri cavo unicus egreditur fœtus.

Compositus, si plures.

Complicatus, quando incommoda, tum à matre; sanguinis scilicet profluvium, motus convulsivi, lipothymia, &c. tum à fœtu; partium, v. g. complicatio, funiculi compressio, &c. eum concomitantur.

Partus secundæ speciei, seu extractione peractus, *facilis* fit quando quâcumque fœtus parte præviâ, modo Aggrippino, vel altero, insciâ matre, conficitur; si fiat via vi, *difficilis* audit.

Simplex, qui nudâ obstetricantis manu celebratur.

Compositus, qui cum armatâ manu absolvitur.

Complicatus, in quo adsunt accidentia, matrem, aut fœtum, utriusquæve minantia.

De tertiâ specie, seu de *mixto* idem omninò dicendum.

V.

Cum partus in omnibus laboriosissimam significat functionem, tum in validis præsertim, & robustis mulieribus. (2)

De necessa-
riis ad Partum
rationibus.

Harum itaque status tunc febrilis est, ardescens, & ferè omninò convulsivus, omnesque & imprimis generationis partes, ingurgitatione; vividiori aut debiliori calore, & rigescentiâ, pro variis rerum circumstantiis afficiuntur. Enimverò pulsum validum, & agitatum, necnon omnem corporis peripheriam urentem sentit; linguam arefcentem aridamque sæpè tangit; oculos micantes aspicit obstetricans; imò invalida mulier stupendas explicat vires (3); indè lethalia, & vitanda tam in partu

(1) A divisione receptâ discedimus, quia in auctorum definitione & divisione manifestam contradictionem animadvertimus.

(2) Sic sentit celeb. Levret. V. l'Art. des Acc. p. 101. 427. aliter verò Auctores Doct. M. p. 178. clarif. Lamotté, p. 335. Lazar. Riverius, p. 223. & seq. illustrif. & sagacif. de Haller, p. 421. Element. Physiol.

(3) V. Van Sw. p. 336. T. VII, illustr. de Haller. Elem. Phys. p. 439.

quàm post partum accidentia ; convulsiones scilicet , apoplexia (1) , suppressio , inflammatio , abcessus , gangræna , &c.

Ut partus vulvalis primæ speciei haud ægrè absolvatur ; ac proinde accidentia præcaveantur innumeræ ferè sunt rationes , quas omnes , brevitatæ causâ , non exprimam ; ad duas tantùm confugiam , uteri scilicet actionem aditumque mollem quo fœtus egredi possit.

Actionem uteri ad fœtum expellendum merè muscularem esse ab ævo nostro contendunt omnes , eamque ab irritatione quam primariam partûs causam , quamque ex summâ uteri fibrarum extensione proficisci dicunt , semper suscitari prædicant (2) : utramque tanquam necessariam jam dudum abnuimus ; usu enim quotidiano , rot & tanta videmus exempla , quibus contractionum absentiam , aut saltem debilitatem , tam faciliè est asserere , ut illius necessitati confidere non possimus. Longè à nobis abeat irritatio prædicta ; nunquam uteri actionem per se , & immediatè suscitavit ; non nisi tanquam causa remota debet ad summum considerari ; si in partu se prodit , in partu potiùs incommodum evadit , nullo modo causa. Enimverò quò validior fit utraque causa modò allata , eò difficilior in omni casu partus exsurgit ; experientia enim constat validiores , cæteris paribus , difficiliùs quàm debiliores parturire (3) ; attamen in primis maxima viget uteri actio (ex auctoribus contractio) , in aliis verò debilitatur ; in frigidis regionibus energiae fi-

De Partûs
ex Auctoribus
causâ.

(1) Juvenem & validam convulsionibus & apoplexiâ enecatam animadverti.

(2) V. Doct. Mauriceau , p. 137. Edit. lat. edita. Amand. p. 3. deuxième Edit. illustr. Puzos , p. 23. Heister , p. 537. T. I. insign. A. P. D. M. P. sur la cause & le méc. de l'acc. p. 106. Celeb. Levret , p. 86. & 91. de l'Art des Acc. Mém. de Chirurg. III. p. 221. Ræderer. p. 41. & seq. De fibris muscularibus dubitat illustr. de Haller , Elem. Phys. p. 438. uteri verò contractionem admittit ; sed non nisi quandò caput in vaginâ ad expediendum partum aliquid conferre quandoq ; &c. incipiente partu respirationem solam valere suaderunt. D. Puzos , p. 440.

(3) Nostra opinio nonnullis modò arridet , modò displicet ; in scriptis enim mulieris debilitatem tanquam partûs difficilis causam prædicant ; dùm in praxi ad hujus facilitatem parturientis vires debilitant. V. Doct. M. p. 163. 164. 178. celeb. Lamort. p. 335. & 378. Lazar. Riverium , p. 223. 224. illustr. Smellie , p. 346. & seq. illustr. Puzos , p. 117. 122. Aph. de B. par Van-Swieten , p. 60. 232. 233. 247.

De nostrâ
Partûs causâ.

brarum causâ, difficilius quàm in aliis, parturiunt mulieres (1); quænam igitur primaria seu efficiens partûs causa? Quænam partui favet? Omnem nos uteri elasticitati, tanquam primariæ partûs causæ, partiumque mollium imbecillitati, tanquam partui faventi fiduciam habentes, non nisi duplicem hanc causam ad partum absolutè necessariam admittimus; si aliæ adsint, eas in auxilium modò venientes confitemur.

Ex quibus sedulò perpenſis, rejecto tanquam noxio irritantium omni genere remediorum, alimentorumque ratione, ut uteri evigiletur actio, plenam fidem omnibus relaxantibus concedas: quandò enim partium quas permeaturus est fœtus, adest debilitas, semper ad partum primæ speciei vel minima uteri sufficit actio; si torpescens videas (2), inest certè repagulum quoddam quo fœtus retinetur. Quæras illud & destruas? Subitò sui juris est uterus, & fœtum absque ullo irritante expellit; quod quidem tam sæpè annotavimus, ut in dubium revocare nos fugit. Plurimum parturientium sublevandarum causâ accersitus fui, quarum à multis jam diebus dolores omninò evanuerant, quarumque uteri inertiam prædicabant astantes omnes; errorem prædico; reverâ obice à me investigato, subitòque manu, vel solis sæpiùs relaxantibus victo (3) facillimè & solo uteri nisu parturierunt mulieres. Multis tamen irritantia remedia, roborantiaque alimenta, vel prodigâ manu suppeditabantur.

Itaque ut omnes primæ speciei partus facilè conficiantur; quas fœtus prætergredi partes cogitur, relaxare ne dubites: sæpiùs mollibus quàm duris partibus retardatur partus; sic à nobis fuit comprobatum; sic ab occultatissimis quoque comprobandum est. Quo major enim earum

(1) V. Hypp. de aëre, locis & aquis ch. T. VI. p. 191.

(2) Stupenda certè res à relaxantibus putà balneis, venæ sectionibus, &c. uterum exhaustum refici quosdam contendere Auctores. V. Theſim amicissimi nostri Solayres; si ad partûs facilitatem hæc sufficiant; minimè, quia exhaustus reficitur uterus; sed proptereà quòd tunc relaxatis orificii vaginæque, &c. parietibus qui solummodò obstabant, facilem subitò fœtui viam præstent.

(3) Si angustiarum superiorum labro tantillùm nritur caput; v. g. vel sola vel instrumento armata requiritur manus: si à partium mollium rigescentiâ, quæ sufficit ut torpescere videatur uterus cujus maxima viget actio; tunc relaxantia solummodò adhibeantur.

vis, rigiditas, siccitas, tensio, necnon calor; eò longior, laboriosiorque partus (1); quod in parturientibus validis, junioribus, & senioribus, nulloquidem alio stante, tùm à matre, tùm à fœtu obstaculo, quotidie videre juvat, numquam verò in debilibus, & invalidis; quid dicam! in moribundis, imò in mortuis. Tot & tanta hujus veritatis apud auctores ab opinione meâ longè discedentes, allata disseminantur exempla, ut ab ipsis, hæc mea assertio negari non possit (2); itaque incipiente legitimo partûs labore, partes matris à fœtu perlustrandæ semper relaxentur, parturientesque, validæ scilicet, & robustæ, in balneum mucilaginosum immergas, illudque remedium salutarissimum maximè indubitatum pro certò habeas. Facilem felicemque partum-promovet (3); antecedentia, concomitantia, subsequencia denique illius incommoda divellit.

De Balneo-
rum in Partu
utilitate.

Quæ de balnei necessitate in primâ partûs specie enarravimus; quantò majori de aliis sumus decantaturi? Enimverò nisi antequàm in matris partes manum solam vel instrumento armatam introducas, partes illæ sat laxatæ sint; quot horrenda post partum prouunt incommoda (4)! Intrâ 24 horas gangrænâ occurrere multoties vidi; itaque antequàm imminetentem à pluribus diebus partum extractione absolvas; non neglectâ, si opus est, sanguinis missione, parturientes modò dictas, quantum fieri poterit, immergas; laxatis tunc à balneo partibus, victâ deni-

(1) Validiori quidem virente uteri nisu, V. Aph. de B. par Van-Swieten, p. 247, T. VII.

(2) V. Schenkii obs. med. L. 4, de Partu. Obs. 14. Harvée de generatione anim. Jean Matthieu. Quæst. med. 4. Ehrenf Hagendorn. Hist. med. Phil. cent. 3. Hist. 13, Georger Bethardingius, m. n. Dec 3 an. 7 & 8 app. 77, Vestingius obs. anat. 7. Idowolfius, obs. chir. med. L. 1. obs. 41, Journal d'Allem. Dec. 1. T. III. obs. 308. Hujus observat. auctor de amritâ suâ Hist. refert Bartholin. Hist. anat. p. 97. cent. 2. p. 304. celeb. Levret, l'Art des Acc. p. 70. Prægnantem sacrocæsariensi, gallicè *sancerre*, suspensam ego ipse vidisse testor; cujus postridiè fœtum extinctum expulit uterus.

(3) Eadem spe ducti balnea imperant Poloni, nec suam eorum spem fefellit eventus. Antiquiores suadebant. Sic sentit illustr. & nulli secundus de Haller, p. 434, apud Alepenses Russel. natur. Hist. p. 79, huc & Ægyptiæ.

(4) V. Van-Swieten, T. VII, p. 249, 269, 270, 271, pessimum præbet consilium D. Rhæderer. p. 218, lin. 19 & p. 445, lin. 9.

que earum rigiditate , calore , necnon inflammatione sæpiùs comite, victor extrahitur fœtus , salva emergit mater. Quot enim pereunt! Quot si servantur , horrendum cruciantur incommodis , quæ nostro pacatam ætatem degerent!

VI

De uteri inflammatione
& gangrænâ.

Ex naturâ suâ periculosissima evadit uteri inflammatio , gangrena; quanta verò ipsius ignorantia nobis importat infortunia!

Quoties enim viri in arte medicâ vel peritissimi longè à sententiâ nostrâ discrepantes , febrem putridam , pectorisve inflammationem , tanquam præcipuos morbos asserebant , qui nil aliud nisi uteri inflammationis , abcessûs , aut gangrænæ symptomata exsurgebant (1)? Quæ quidem omnia obstetricanti soli , & quidem sagacissimo , cujus sub oculis ob diuturnum artis usum , causæ & signa morborum illorum versantur , evidentiùs innotescunt (2).

Causæ.

Inflammatio gangrænæque uteri proficiscitur ex partium mollium rigescentiâ , & eretismo ; partu laborioso ; uteri contusione , læsione , iterato sæpiùs tactu ; nimia vi in partes molles illatâ (3) ; ictu ; lapsu ; uteri foràs procidentiâ ; extranei corporis in eo remanentis , & resistentis duritie ; è nimio fœtu , necnon placentæ post ruptas membranas quiete ; eorum corruptione (4) ; linteorum post partum pondere , & solitâ , sed sævissimâ fasciarum contrectatione ; lochiorum suppressione (5) ; alimentis acribus , & calidis , vel in partu vel post partum ,

(1) Eo errore deceptum fuisse mihi videtur Van-Swieten. V. p. 270, T. VII.

(2) Qui artem obstetriciam non colunt , puerperis incommoda sæpiùs animo assequuntur ; quod vidi testor.

(3) V. illustr. Smellie. Recueil XXVI , p. 499 , obs. première , T. VII, obs. 8 & 10 , T. III, p. 314 & 324.

(4) V. Hypp. de Mulier. morbis , L. 1. Cap. LI. Charter. T. VII, p. 757, ibid. Cap. 53 , p. 758. Ibid. Coac. prænot. n°. 515. Chart. T. VIII, p. 828. Van-Swieten periculosam hæmorrhagiam , corruptionemque , aut sanguinis grumosi , aut placentæ in uteri cavitate post abortionem , & inde debilitatem , febrem acutam putridam , mortemque mulieris formidat. Historias enarrat. V. p. 124, 125, T. 7. Sed secundinarum detentione post partum maturum non æquè pertimescere videtur. Ne tamen eis credas qui placentæ egressum naturæ semper committere prædicant ; erronea enim est illa methodus ; consule potiùs celeb. Levret qui de hac re mirandas res decantavit ; V. Essai sur... art. 15 , p. 168.

(5) A celeb. Levret negatur & admittitur illa causa , V. l'Art des Acc. p. 459 , & Essai sur l'ab. p. 136.

vino, v. g. aquâ vitæ; aquâ carmelitanâ (1); ab irritantibus denique remediis quâcumque viâ adhibitis, suscitatur uteri inflammatio; nec eis confidas qui ad actionem uteri suscitandam orificii parietes digito irritari prædicant; hæc enim methodo accenditur uterus.

Cognoscitur ex minimo, vel nullo sanguinis post partum profluvio, (2) ex acerbissimo uteri dolore, necnon majori quàm par est ipsius tumore; aliàs tunc fertur orificium, indurantur, constringuntur, & urenti calore afficiuntur ipsius parietes; mulier magnum sentit gravitatis pondus in imo ventre, qui prætermoðum intumescit, accenditur, qui vel minimâ pressione, diris doloribus cruciatur; quo tamen loco residet uteri inflammatio, injucundior abit sensatio; difficilè & laboriosè urinam & excrementa egerit puerpera; inflammatione, & gangrænâ sæpè laborat vesica, semper vagina.

Signa

Primis diebus, non nisi tertiâ quandoque properat febris; si tertiâ, horrore frigido, febris *lactea* dicta semper prænuntiatur, & quater quinquiesve, & suprà, singulis diebus, præeunte semper horrore adveniunt exacerbationes, & lypothimix, magnâ spirandi difficultate, acerbissimo pectoris dolore, sanguinisque expuitione vexatur ægra; superveniunt singultus, vomitus, putridum alvi profluvium, convulsio, delirium; arefcit & nigrescit lingua, debilitatur tandem, & post unum & quadraginta dies plerumque animam exhalat.

Symptomata;

In quibusdam tamen ingentem uteri dolorem subitò evanescere animadverti, & tunc puris maturi collectio extrâ suam sedem effunditur, aut in morbofo uteri puncto sistit sphacelum: febris tùm remitti videtur, sed non nisi indolem aliam vestit (3). Tranquilla mulier apparet, ab inexperto curationi fides adhibetur. Sed *Latet anguis in herbâ* (4).

In aliis verò, decipientibus intermissionibus, ad mortem usque prorogatur ille dolor, quibus ab utero ad intestina & omentum sæpiùs serpunt accidentia. Inflammatio quandoque, sed rarò induratione terminatur: indè timendum ne scirrhuso tumore, aut carcinomate in-

(1) Publica dispereant scripta quibus legere est aquam carmelitanam partui summopere favere; dolus est hostilis.

(2) Parturienti curam dedi e cujus vulvâ ne vel minima post partum sanguinis effluit guttula.

(3) Ex inflammatoriâ fit putrida.

(4) Multas aliquot diebus ambulantes, & manducantes vidi, quæ paucis diebus lecto incumbabant lethali.

De Balneo-
rum post Par-
tum utilitate.

ficiatur uterus; quod à multis immeritò insanandum asseritur (1).

Ut ea vitetur uteri inflammatio, necnon gangræna; in graviditate quandoque, sæpius in partu, semper & subitò post laboriosissimam parturitionem, prolatum à nobis (semi scilicet balneum) adhibendum est remedium.

Ad eam sanandam ne vel minimum (2) vel indoctè (3) vel pertransennam (4) locuti sunt sanitatis præceptores. Perpauci hunc morbum ex-professò tractarunt (5); sed idem ipsi remedium nostrum quod unicum præstat, omninò neglexerunt. Enimverò diluentem diætam, refrigerantes potus; enemata lenientia; humorum redundantium egestionem; sanguinis missionem è brachio primùm posthàc è saphænâ; corporum ex utero extractionem præscribunt; non neglectis scilicet in ipsius cavitatem injectionibus, & in abdomine fomentis emollientibus (6); quæ omnia nullo modo sufficere testamur; nisi dùm nulla, aut saltem levis uteri sit inflammatio; quapropter hunc morbum lethalem nuntiarunt omnes fermè auctores (7); quamvis illa summo-perè remedia suassent; qui nostro tamen, (semi scilicet balneo) facillimè curatur.

Omnes reverà puerperas quibus sola curatio ab auctoribus prædicta, maximâ licèt vigilantia fuerit adhibita, uteri inflammatione, & gangrænâ enecatas annotavi; nostrâ verò, omnes salvæ fuerunt; indè & doctrinâ, & diuturnis observationibus, balnea prorsus his auxiliis anteponenda, ac meritò concludimus;

ERGO UTILIA IN GRAVIDITATE, PARTU,

ET POST PARTUM BALNEA.

F I N I S.

(1) V. Hypp. Aph. XXXVIII, L. i. Doct. Mauriceau, p. 288.

(2) De his morbis sæpè loquitur Rhœderer, nullo modo de curatione; V. p. 218 ad 222, 262, 444. 464; obs. VIII, quæ ex ulcere inyerato mortem affirmat; dum ab inflammatione & gangrænâ recentiori proficisci mihi videtur, p. 542, obs. XIX.

(3) V. Lazar. River. renov. p. 242, Pars secunda.

(4) V. celeb. Levret. l'Art. des Acc. p. 104, 105, 107 & 460.

(5) V. Doctif. Mauriceau, p. 287. Cosme Viardel. p. 300 & seq.

(6) V. Auctores jam citat. celeb. Levret. l'Art des Acc. p. 460.

(7) Doct. Maur. p. 346, celeb. Levret. Essai sur... p. 136.